

Bangii zhibii'gaadeg gaa mki'gaa'deg :
Dgond'waa Anishinaabeg zhiwe Ezhwebag kojiing aand'seg –
Na'wa'ying Anishinaabe Kwe kend'maaw'zi'win zhinda Kojiing
Ezh'we'bag Naawk'ni'ge'win Na'kii'win (2020-2026)

Ziizbaakdo'ke Giizis 2026



Anishinaabe Kwewag Zgaap'kaaz'waat Kinadaa



Bangii zhibii'gaadeg gaa mki'gaa'deg : Dgond'waa Anishinaabeg zhiwe Ezhwebag kojiing aand'seg – Na'wa'ying Anishinaabe Kwe kend'maaw'zi'win zhinda Kojiing Ezh'we'bag Naawk'ni'ge'win Na'kii'win (2020-2026)

Ziizbaakdo'ke Giizis 2026

Anishinaabe Kwewag Zgaap'kaaz'waat Kinadaa (NWAC) aawan kina gwa ekoon'deg Kinadaa Anishinaabe gen'nood'maa'ge'jig enaap'kaaz'jig egnood'moo'waajig Anishinaabe Kwe'wan noonch ezh'gaab'widjig Kinadaa. NWAC gnood'moo'wa'aaan miinwaa dan'kii'twaan Aab'too'ziinh'yin, Kitchi Gii'we'di'nong enj'baajig miinwaa En'tam'gaab'wid'jig – shkon'ganing endaa'jig miinwaa gwa zaag'ja'ying, de'ben'daawg'zid'jig miinwaa gaa'wii ezhi'bii'gaaz'sig'waa, gaa zaag'ji'bii'gaaz'jig – kina Kinadaa. NWAC nakii wii mina'si'dood, wii shpaa'toot miinwaa wii mnaw'ngang kina enaang'goom'di'waad, waa zhi min'diz'waad, waa'zhi aad'zi'waad miinwaa waa zhi naawk'ni'ge'yaad Anishinaabe Kwe'wag ezhi beb'kaan gaab'wi'yaad zhiwe end'na'kii'yaad miinwaa gwa Kinadaa bimaad'ziw'ning.

Anishinaabe Kwewag Zgaap'kaaz'waat Kinadaa nis'dwaamb'daa'naa'wa a'we ezhi naad'moond'waa miinwaa ezhi miind'waa gii'we gaabi naad'maag'waad'jin miinwaa zhiwe gaa bi naad'maa'ge'jig Dgond'waa Anishinaabeg zhiwe Ezhwebag kojiing aand'seg na'kii'win.

Ezhi dba'kaa'deg miinwaa Aan'ke'sing Kiinhsan Dgob'kaa'zin (PTMAs)

Amautiit Nunavut Kitchi Giiwe'di'nong Kwewag Ezhi zgaap'kaaz'waat

Gen'wend'gig Waaw'ye'dab'win Ontario

Manitoba Moon Voices Inc.

Anishinaabe Kwewag Ezhi zgaap'kaaz'waat zhiwe Wabanaki Dba'kaa'deg

Kinoo'maa'ge gamig wii shpi gaab'wi'yaat Anishinaabe Kwe'wag

British Columbia Anishinaabe Kwewag Ezhi zgaap'kaaz'waat

Kenj'ge'win mad'bi'win

NWAC miig'wech'we'yaan gii'we getchi piit'zid'jig, gaa bi naan'gid'doon'jig miinwaa giiwe gaa bi wii'doo'kaaz'jig miig'we'yaad ezhi kend'moo'waad zhiwe kenj'ge'win mad'bi'win miinwaa nakii'win nan'kii'waat gegoo pii maanda gaa mib'deg (2020-2026).

Maanda na'kii'win giin'ji'te nzaam Environment miinwaa Climate Change Canada (ECCC)gii miig'wen zhoonyaa

Giishpin ge'yaa'bi wii kend'man maaba NWAC ezhi na'kii'tang maanda Dgond'waa Anishinaabeg zhiwe Ezhwebag kojiing aand'seg naawk'ni'ge'win na'kii'win maa'ge wii kendman gegoo maand nji, gdaa zhi'bii'ge:

environment@nwac.ca

Anishinaabe Kwewag Zgaap'kaaz'waat Kinadaa
120 Promenade du Portage Gatineau, QC J8X 2K1
reception@nwac.ca
www.nwac.ca



Ntam Debaa'teg

Ezhwebag kojiing aand'seg aanji'zhi'naag'wad akiin, nibiin, miinwaa ezhi aand'seg ngo'biboon kina gwa mzoo'we akiing. Anishinaabe Kwewag gwa kina ezhi mzoo'gaab'wi'yaat gaa bi zhiweb'zi'waat aapiji bis'kaawg'naa'waa nzaam gaa bi zhi naagoom'dam'waat aki, nibi miinwaa end'na'kii'yaat. A'we em'jig'nam'waat Kenj'ge'win, e'naag'da'wenj'ge'jig, miijim bek'bi'doo'jig, Anishinaabe Kwewag doo mniw'doo'naa'waa ezhi naag'doo'wend'moo'waat ezhi ngod'we'aan'giz'waat, aad'zi'win miinwaa kina gii'taa'ying. Waab'daa'naa'wah esh'seg maanda ezh'we'bag kojiing aand'seg ntam zhiwe miijiming miinwaa nbii'shing, kina gegoo ezaak'kiik, enad'zi'waad miinwaa kina yaam'ji'gaa'deg, ezhe'yaang, ezhi manidoo'aad'zing miinwaa wii mina maad'ziim'gag zhiwe end'na'kii'yaat. Aan'we dash gwa, Anishinaabe Kwe kend'maaw'zi'win miinwaa gaa bi zhiweb'zi'waad dba'saam'ji'gaa'de zhinda dbaa'teg kojiing ezh'we'bag naawk'ni'ge'win, naawk'ni'geng miinwaa gii'taa'ying njind'ming naawk'ni'ge'win

Wii gna'waab'da'ming maanda ezhi mne'aag, gonda Anishinaabe Kwewag Zgaap'kaaz'waat Kinadaa (NWAC) gii zhaab'wi'doo'naa'waa maanda *Dgond'waa Anishinaabeg zhiwe Ezhwebag kojiing aand'seg naawk'ni'ge'win* (EIPCCP) na'kii'win, zhoonyaa miig'wen Environment miinwaa Climate Change Canada (ECCC). Maanda dbaaj'moo'win zhi'bii'gaa'de gaa kenj'gaa'deg ngo'waas'we minig gii na'kiich'gaa'deg (2020-2026), dbaa'ta'ming gaa zhiweb'zing, gaa kenj'gaa'deg miinwaa niig'nind'waa Anishinaabe Kwe'wag minig ezhi beb'kaan'zi'waat miinwaa ezh'too'waad zhiwe yaa'waad waa zhi naawk'ni'ge'waad. NWAC besha wiijiw'na'kii maa'aan enji dba'kaa'deg miinwaa End'na'kii'yaat emaawk'ni'ge'jig Enaap'kaaz'waat(PTMA's) wii wiik'ji'too'waat maanda na'kii'waanhs wii ntam'chi'gaa'deg, aad'zi'win kinoomaad'winan miinwaa zhiwe end'na'kiing waa bi zhiwe'bag Maam'wi, gii zhwen'gaa'de Anishinaabe Kwewag wii maatoo'kii'yaat gaa bi zhiweb'zi'waat, wii wiik'ji'toong nsas'taadwin, wii mshkoo'zii'toong ezhi naang'goom'ding miinwaa wii dbaateg kojiing ezh'webag tkwe'taad'win nji aad'zi'win, aki, nwe'win miinwaa ooden'winhsan. Maanda na'kii'win gii dbaaj'mat'waan ooshmi niizhing mndaaswaag Kwe'wan mzoowe ekoon'deg Kinada.

Wiiba miik'ming mkwo'wend'ming, bzin'sheng miinwaa kinoo'maag'wang, miidash wiigwaa ani wiikaa daa miik'gaa'de niwe e'we'wiib'en'daawk'kin Anishinaabe Kwewag kidwaad, wii njin'ming a'we noonch gegoo ezaak'kiim'gag, kojiing ezh'webag wii nishing, Anishinaabe nii'gaa'nii'win ezhi sgak'ni'geng miinwaa Anishinaabe mshkoo'gaab'wi'win. Maanda dash ani shkwaa teg, maanda nakii'waanhs gii gaanj'web'shkaan, aki kenj'ge'win kinoo'maad'win, zhi'noo'maa'geng Anishinaabe kwewag mshkoo'zii'win nji ezhi aad'zi'waad dbishkoo aadzi'win bii'naak'zi'ge'win *Mina Shkode (Good Fire)* miinwaa esiinh gtigaan'an (*Loxiwe*) Ninda zhich'ge'wi'nan zhi'noo'ma'gen'an e'aand'ke'seg kendaas'win miinwaa e'zoong'gang naang'goomb'da'win akiing miinwaa nbiiin, aas'gaab'wi'taan aad'zi'win wii aab'jib'deg zhinda gwa epiichi aandseg kina kojiing ezh'we'bag.

Na'we'ying Anishinaabe Kwewag Kid'waad bzind'she'yaat miinwaa Dgond'waa (2020-2025)

Gaa bi mi'seg naani'biboon, maanda EIPCCP na'kii'win gii bzin'daaj'ge'wag miinwaa gii kinoo'maag'waan Anishinaabe Kwewan nji kwed'wew'nan, dbaj'miw'nan, miinwaa dgop'kaaz'wi'nan. Ntam niizha biboon gii ntam'bii'gaa'den'wan wii dweshk'mang waan'nji dbaa'ta'ming kina kojiing ezhwebag miinwaa ezhi dgish'ki'gem'gag, wiind'maa'gem'gag Anishinaabe Kwewag gwa kina ezhi mzoo'gaab'wi'yaat bisk'kaaw'ginaa'aah ezhwebag miijim, nibi, miinwaa gete zhich'ge'win miinwaa bekish gbaawk'shkaag'waat wii wii'doo'kaaz'waat kina kojiing ezh'we'bag dbaawk'ni'geng.

Waab'da'ming aandseg kina kojiing ezhwe'bag aandseg miinwaa ezhi nda'wen'daa'gog dgo'bing, NWAC gii zhi'toon EIPCCP na'kii mka'koonhs nji [*Impacts of Climate Change on Indigenous Women, Girls, Two-Spirit, Transgender and Gender-Diverse People*](#). Maanda na'kii mka'koonhs aab'ji'taam'gad gwa ga'ye niizha biboon minig.

Na'kii'toong maanda kend'maaw'zi'win, maanda na'kii'waanhs gii gna'waab'daan mem'di'ge gwa Anishinaabe Kwewag ezhi mzoo'gaab'wi'yaat ge miik'gaa'deg'ba we'wiip dbishkoo kina gegoo ezaag'kiig miinwaa bemaad'ziim'gag, kina kojiing ezhwe'bag, Anishinaabe nii'gaan'ziik'dang waa zhi zgak'daa'sang, miinwaa Anishinaabe mshkoo'zii'gaab'wi'win. Ninda niiwin gna'waab'da'ming, Anishinaabe kwewag maa'too'kii'wag kend'maaw'zi'win miinwaa gaa bi zhi maad'zi'waat, miinwaa gii ki'noo'maad'waad, ooshmi wii ni nsas'tam'waad maanda nji kina kojiing ezh'we'bag. PTMAS gii aas'gaab'wi'taa'naa'waa maanda na'kii'win zhiwe nji ooden'winhsing enji na'kii'win miinwaa dgob'waat zhiwe. Ninda maam'wi na'kii'win'an gii sa'web'naa'naa'waa mtak'mik ooshmi wii nsas'tam'waat ooden'winhsing gimaa'win miinwaa aki dgong kend'maaw'zi'win nangwa shkwaach biboon.

Zoong'toong NWAC-PTMAS Wiidok'kaaz'win zhiwe Ooden'winhs'ing Nii'gaan'ma'waad Kina Kojiing Ezh'we'bag Akiing miinwaa Nwew'wining enj'baam'gag(2025-2026)

Gaa zhi mkwo'waamb'ding zhiwe ekwa naani'biboon'gag minig gii zhi'sem'gad maanda na'kii'win wii ngoom'gag, miinwaa zhiwe besha endaang gii mkwo'waamb'dim aki nji ken'daas'win miinwaa waa zhi na'kaa'zang Anishinaabe kend'moo'win. Nji zhiwe kid'win gan'nji dgob'ing miinwaa mji'menj'ga'ning gii giig'dang pii 2020 miinwaa 2025, maanda EIPCCP na'kii'win zhi'we end'na'kiing gaa na'kiit'ming aad'zi'win, manidoo'ke'win, miinwaa naap'kaa'zang zhiwe akiing, miinwaa aas'gaab'wit'wind'waa Anishinaabe Kwe'wag ezhi mzoo'gaab'wi'yaat wii mshkoo'gaab'wi'yaat, din'kiw'ni'waa miinwaa wii'doo'kaaz'waat zhinda kina kojiing ezh'we'bag.

NWAC besha gii wiiiji'na'kii'maan PTMAS kina mzoo'we akiing wii aas'gaab'wi'taa'ge'yaat ood'en'winhs'ing nak'mi'gag jinj'gaa'deg zhiwe na'kii gii'taad'bing. Zhiwe ntam'sing maanda kina kojiing ezh'webag aandseg, bebezbig PTMA gii daap'naan wii nii'gaan'gaab'wit, zhi'tood miinwaa nii'gaan'ziik'dang niizh na'kii gii'taad'biw'nan (mni'menj'ga'ning, yaa'waat go zhiwe maa'ge gwa enji nakiing) wii dbaa'ta'ming e'maanji'kitchi pii'ten'daag'wag miinwaa kend'maaw'zi'win, miinwaa ezhi psi'kaa'gem'gag kina kojiing ezh'we'bag aand'seg miinwaa ezhi tkob'deg ewaamb'da'ming, e'moosh'toong, miinwaa e'manidoo'wang min'maad'zi'win nji Anishinaabe Kwe'wag. Gii min'zhaand'daa'naa'waa kina gwa gaa zhiwe'bag zhinda nakii'giitaad'biwning, miinwaa bemaad'zid'jig booz'bii'ge'waat miinwaa wiik'maa'aat ni'we getchi piit'zin'jin, waa kinoo'maa'ge'jig, waa zhi'bii'ge'jig, waat'nak'mi'gag, waa shang'ge'jig pii zhiwe gaan'jitkeshk'daad'waad. Ninda na'kii'gii'taad'biw'ning gii naad'maa'gem'gad'noon wii naa'biis'doong ooden'winhsing zi'gaap'kaaz'win, kend'maaw'zi'win maa'too'kii'win miinwaa gji'toong ekwa'zhaam'gag gegoo, zoong'toong zhiwe besha etemgag aad'zowin miinwaa kina kojiing kend'maaw'ziwin.

Ninda nakii gii'taad'biw'nan, Anishinaabe kwe'wag enj'baa'jig mzoo'we akiing gii maa'too'kii'wag naa'saap zhi'web'ziwnan maanda kina goji kojiing ezh'we'bag ezhi bnaa'dag endsa giizhgag, aad'zi'win ezh'chi'geng miinwaa end'na'kii'yaad. Zhinda di'baaj'miw'ning, nibiish gwa a'we gaa kitchi dbaa'chi'gaa'deg miinwaa gii kid'waad maad'ziim'gag ezhi na'wen'daa'sang, wiind'maa'ge'win e'zhi zoon'gag kina gii'taa'ying kojiing miinwaa wii mina maad'ziim'gag miinwaa wii na'wend'ming. Gii'we gaa bi zhaa'jig gii dbaa'taa'naa'waa gaa zhi naaj'taas'waad, gaa'zhi wiw'ni'nend'moo'waat, miinwaa ezhi gwiw'ni'nwen'maa'waad ni'we waa bi yaan'jin maanda naa ezhi bnaa'dag aki miinwaa nibi, nash'kwe'taam'gag e'naad'zing miinwaa gwe'kwen'daag'si'nok waa ni zhi'we'bag'ni'mi'seg. Gii dbaa'taa'naa'waa mshkoogaab'wi'win miinwaa ge zhich'geng'ba tem'gad Anishinaabe kend'maaw'ziw'ning, dat'ming Anishinaabe nii'gaan'zii'win e newk'sing zhi'we kina kojiing ezh'we'bag zhich'ge'win em'naaj'toong miinwaa naag'da'wend'mang waa'ni zhi'we'bag

Aas'gaab'wi'toong dash ninda e'mshkoo'sing'gin akiing , NWAC gii min'zhaand'daa'nan niizh mzoo'we nakii gwiid'biw'nan deg'waa'gig 2025, kina gii bi zhaa'aat Anishinaabe Kwewag kina mzoo'we akiing gaa bin'ji'baa'jig. A'we ntam nakii gwiid'biw'ning gii gna'waab'daa'naa'wah kina kojiing ezh'we'bag miigaad'win miinwaa ezh'we'bag kojiing mina dbaawk'ni'ge'win miind'waa gii'we gaa bi zhaa'jig ge zhich 'ge'yaa'pah miinwaa wii ani

mina'dbaaj'ma'waat end'na'kii'yaat. Ekwa niizhing gaa gna'waab'ji'gaa'deg Anishinaabe nwe'wi'nan miinwaa ezh'ni'kaa'deg goji zhiwe temgag ge kend'min'ba, e miig'wet kina goji ezhwebag mkwend'moo'win, zgak'na'ming kend'maaw'zi'win aanii gwa tinow e'tem'gag miinwaa di'bii'dig teg'wenh gaa zhi kenj'gaa'deg miinwaa gaa zhi nsas'chi 'gaa'deg. Maam'wi, ninda tkweshk'daad'wi'nan gii mswen'daa'naa'waa giuwe gaa bi'zhaa'jig wii gna'waab'diz'waat aaw'waat aki'gen'wend'gik miinwaa gni'genh gwa bangii zhich'geng'aapiji gwa kitchi aa'wan wii miikming maanda kina goji kojiing ezhwebag aand'seg.

Miinwaa gwa, maanda EIPCCP na'kii mka'koonhs, *The Strength and Resilience of Indigenous Women to Climate Change: Cultural Burns and Clam Gardens* [create as a hyperlink], temgad zhiwe NWAC mji'menj'ga'ning, gii aanj'chi'gaa'de wii nsid'waab'mind'waa Anishinaabe Kwewag nji zhiwe niizhing aki nzaam na'kii'wining: biin'aak'zi'geng (Good Fire) miinwaa esiinh gtigaaning. (Loxiwe). Ninda zhich'ge'wi'nan zhi'noo'maa'gem'gad'wan maanda e'aan'ke'seg kend'maaw'zi'win miinwaa wii gna'wend'ming aki miinwaa nbiin, miinwaa wii aabiji miig'weng kend'moo'kii'win gonda Anishinaabe Kwe'wag pa'ne maanda gii bi nan'kii'wag, miinwaa gwa ooshmi aab'dan'kii'wag gwa yaabi wii mshkoo'too'waad aki miinwaa kitchi twaa ken'daas'win. Zhiwe mji'menj'gan'ing miig'weng dbaaj'mo'win'an nji maanda kina kojiing ezhwebag aand'seg ezhi miig'we'at Anishinaabe Kwe'wag kina mzoo'we akiing.

Mii'dash giizhi'taam'gag

Maanda EIPCCP na'kii'win zhi'noo'maa'gem'gad zhiwe e kitchi pii'ten'daag'wag, miinwaa gaa bi zhaab'wiim'gag gaa bi mnaaj'chi'gaa'deg gonda Anishinaabe Kwe'wag kina ezhi beb'kaan'gaab'wi'yaat aapiji da nishin wii na'kiim'gag kina goji kojiing ezhwebag naawk'ni'ge'win, miinwaa zhich'ge'win. Mii gwa zhaazhi ngod'waas'wi biboon'gag, maanda na'kii'win gii nsaawk'naan Anishinaabe Kwe'wag wii maa'too'kii'yaat kend'maaw'zi'win, gaa'bi'zhi'web'zi'waat, miinwaa aab'deg waa nan'kii'waat, waab'doo'we'at ezh'we'bag kina goji kojiing aand'seg ezhwebag akiing, nibiing, miijim sanj'gwa'nan miinwaa endaadziwaat ezh'we'bag, miinwaa dash gwa waamb'doo'we'at giishpin dgwand'waa zhiwe pii kitchi gimaa'naang maawk'ni'geng ga'ye ji dgob'waa'pah. Wiid'dak'wind'waa NWACS PTMAs gii gwe'kwen'daa'gwad ezhi na'kii'waad, miinwaa gwa ezhi bii'naak'zi'ge'yaat gii min'zhaan'daa'naa'waa zhiwe end'baa'jig, ezhi dba'kii'waad miinwaa zhiwwe besha endaa'jig ezhi gna'waab'dam'waad, tkob'doo'waat mzoo'we kina goji kojiing ezh'webag dbaaj'moo'win giuwe tinow enj'baam'gag kitchi neg'we'akiing miinwaa gaa'bi'zhiweb'zi'waad dbaa'tam'waad.

Aki nji zhi ken'daas'win miinwaa enaad'zi'waad, be'kish bii'naak'zi'geng (*Good Fire*) miinwaa esiinh gtigaan (*Loxiwe*) waab'da'wen aab'ji'taang mnwamb'goom'di'waat wii aab'ji'taa'waad gna'wend'moo'waat aki miinwaa nbiin, zhi'noo'maa'geng ninda zgaap'kaaz'wi'nan ezhi naad'maa'gem'gag kina gegoo e'zaak'kiim'gag, gna'wenj'ge'waad kina goji, miinwaa aad'zi'win wii aab'ji'taam'gag. Chi'gaa'deg gonda Anishinaabe Kwewag ekid'waad, ezhi ken'daas'waad miinwaa ezhi nii'gaan'gaab'wi'yaat, maanda na'kii'win zhi'noo'maa'gem'gad epii'ten'daag'wag dgon'ming Anishinaabe ezhi gna'waab'ji'gerwin nzaam maanda kina goji kojiing ezhwebag naawk'ni'ge'win, miinwaa waa zhi mib'de'too'waad di'bi'gwa'ii'dig.

Ezhi naang'goom'ding, e'kend'ming, miinwaa na'kaaz'wi'nan esh'chi'gaa'deg zhinda EIPCCP na'kii'win'ing toon e'mshkoo'waag tko'kii'win wii aabiji gii'gi'dong, wii aapiji taang aas'gaab'wi'taa'ding miinwaa wii aabiji kend'ming gegoo. Waa'ni temgag zhich'ge'winan gwa daa ntam gaab'wi'too'naa'waa e'kid'waad Anishinaabe Kwe'wag kina gwa ezhi mzoo'gaab'wi'yaat, wii gwe'kwen'daa'gwak gwa wii ani aan'ke'seg kend'maaw'zi'win, miinwaa wii aas'gaab'wi'toong mshkoo'zii'win miinwaa naad'zi'win gaa bi zhi kend'moo'waat waa'ni zoon'tem'gag wii miik'ma'waat maanda kina goji kojiing ezh'we'bag aand'seg wii temgag ga'ye Anishinaabe nii'gaan'zi'win, waa zhich'geng, miinwaa waa zhi kendming waa zhich'geng. Toong kend'maaw'zi'win ekend'ma'waat Anishinaabe Kwe'wag ezhi mzoo'we'gaab'wi'yaat na'wi'ying, kina goji kojiing ezh'we'bag na'kiich'gan gwa daa zhiwe'bad miinwaa daa tko'kiim'gad we'weni gaa bi zhi nbwaa'kaa'waat akiing miinwaa kina bemaad'zid'jig.



Zhi'bii'gaa'deg ga kenj'gaa'deg : *Dgond'waa Anishinaabeg zhiwe Ezhwebag kojiing
aand'seg – Na'wa'ying Anishinaabe Kwe kend'maaw'zi'win zhinda Kojiing Ezh'we'bag
Naawk'ni'ge'win Na'kii'win (2020-2026)*

Ziiz'baak'do'ke Giizis 2026

Anishinaabe Kwewag Zgaap'kaaz'waat Kinadaa

Maanda nakiiwin nzaam :



Environment and
Climate Change Canada

Environnement et
Changement climatique Canada